

虞

山

水

不

癸酉春

李拙翁題



廬山小乘

南豐吳宗慈編

上篇 總論

位置

廬山在九江縣東南星子縣西北故山北屬九江山南屬星子北瀕揚子江東南臨鄱陽湖所謂據江湖之會者也綜覽一山體勢土石相參山水相得秀頑榻半主賓相當蓋得天地中和之氣盤礴數百里獨王於江湖間

其經緯度以舊京北平爲中線在偏西不及一度(約當三十分間)以格林威治爲中線在東經一百十六度零數分間緯度則爲北緯二十九度三十餘分間

釋名

廬山之名始見史記古名敷淺原禹貢曰岷山之陽至於衡山過九江至於敷淺原夏允彝合註敷淺原卽廬阜也據各書合考敷淺原者蓋指今德安縣以至東北盡處而言

古稱南障山一名天子都亦曰天子鄣見水經及山海經

又謂之輔山見豫章古今記昔周武王時方輔與李聃同隱此山輔山或卽因此而名

又謂之靖廬山昔匡續

注續或作俗作裕作肅其別字亦有君孝子孝子希之不續亦有作廬俗者要皆當時轉相抄記之異詞

隱此山周威烈王以安車迓之續仙去惟廬存因命其山爲靖廬山後人以其姓呼匡山亦曰匡阜

又曰康山宋開寶中避宋太祖諱易匡爲康近人或以匡廬原名康廬穿鑿傳會不足爲訓

今簡稱牯嶺牯嶺卽牯牛嶺乃廬山之一嶺光緒季年英教士李德立Little租借長衝爲避暑地後乃就牯牛嶺舊名而稱牯嶺Little音雖近似意則譯爲清涼Cooling蓋假借漢文之音而別著其義者

秩祀

黃帝以濔霍二山爲南嶽副青城爲丈人署廬山爲使者衡山記

唐開元十九年八月二十一日詔廬山使者建立祠廟唐李毗九天使者廟碑

漢武之濔之天柱爲南嶽以廬山爲之貳宋建中靖國初封匡俗先生爲靖明

真人齊謝顥廣福觀碑

宋神宗元豐三年詔加號江州廬山太平興國觀九天採訪使爲應元保運真君至重和時加廬山使者秩祀文獻通考

廬嶽祠初在太平宮明洪武時與周顛赤脚僧等四仙同祀天池寺清康熙壬子九江太守江殷道別建祠於太平宮後仍祀於天池此蔡瀛廬山小志之說也廬山稱嶽自明太祖始先是命南九兩郡合祀於天池明萬歷中袁懋貞移廟山南萬壽寺左於是祠專隸星子縣境此清毛德琦廬嶽祠記之說也由是觀之廬嶽祠初祀太平宮明初祀天池寺萬歷時移祀於山南今廬嶽祠尙存由星子知事飭棲賢寺僧代司香火云

形勝

山脈、最高峯、正中處、主峯、水系、

(山脈)幕阜山脈蜿蜒鄂贛湘三省之間廬山脈則自幕阜山東來迤邐於贛

鄂界上直達鄱陽湖畔主峯在九江之南峯巒秀逸挺峙雲霄贛省之名山也
中華最新形勢圖

高良山發脈過株嶺山爲分水嶺南走至嶺脊爲鐵門坎又起高山忽平坦過
峽又突起萬丈峯巒爲廬山同治德化縣志

廬山在城南二十五里古南障山大嶺凡七重三面阻水其西乃大陸羣山所
奔湊也其支東北行三數十里盡乎南湖背其折而西行盡乎湓浦蜿蜒蟬聯
綿亘垂五百里南康府舊志

(廬山最高峯) 古人紀載言人人殊清黃黎洲謂五老峯爲最高峯潘次耕
則謂大小漢陽峯是廬山最高頂今據氣壓表實測五老中峯高一四三六公
尺大漢陽峯高一五四三公尺注每公尺合英
尺爲三、二八是黎洲之言固誤然次耕合大
小漢陽峯言亦未爲確因小漢陽峯又低五老中峯二百公尺弱古人未有科

學應用之器具其勢不得不籠統其詞耳

(廬山正中處)

明徐霞客謂犁頭尖居中而稍遜棲賢寺實中處焉清吳闡

思謂金竹坪居匡廬之中近年出版之廬山導游謂牯嶺處廬山全部之中心而略偏西北以上三說以霞客之說較爲失據查今屋脊嶺有石纜曰匡岳正中處爲明人所題

注詳見下
篇勝蹟

以現在形勢考之爲近似矣

(廬山主峯)

據舊志云山無主峯環潰四出嶢嶢寥寥各爲尊高不相拱揖

此無主峯之說也明憨山大師撰歸宗寺志推鈴岡嶺爲主山明王季重則以大漢陽峯爲廬山主人宅中以處者此以鈴岡嶺或大漢陽峯爲主峯之說也近人岳峻山君則謂應以五老峯爲主峯其說略如下廬脈之來實自衡嶽入

贛經德化西南高良山萃於株嶺乃委蛇南竄直趨山北之大林峯虎背嶺一

帶即今土壩嶺堡壘地

是爲匡山入脈之權輿由斯遂分七幹中央左右蜿蜒四布來有

定形去不亂踪雖其間支系岐出隱顯遞變苟循其源而察之固不難瞭如指
掌也今就七幹而言其中一支經松樹林西南行至女兒城大月嶺而達五老
以成主峯其右一支亦經松樹林西行龍頭山窪醫生越擲筆峯南穿猴子嶺過
玉屏以達太乙右次一支奇出南下而達仰天坪別豎旗幟直貫漢陽再分數
脈散串於金輪鶴鳴一帶再右一支自大林寺大天池穿峽以渡鐵船西南行
廬山隴下止圓通寺其左一支過牯牛嶺斷而復續經日照峯至蓮花谷下王
家坡入湖之鞋山而遠引次左一支經松光嶺昂首迴身自東而北以趨東林
再次一支從窰窪藕斷絲連以合蓮花谷再分幹北轉犬牙相錯一經鷓鷹嘴
蓮花洞而下九江一經浮橋而至吳章嶺此乃全山幹脈之大概也惟其中幹
直奔五老凝成金體之形而開全廬正面上頂穹蒼下壓彭蠡背陰面陽氣象
萬千脈則聚蹲氣極緊結右有太乙漢陽相拱左有乾岡九疊環護上則嶙峋

崔巍下則廣衍沃野闢然浩蕩蔓及宮亭之濱又况入爲七起結以七收稽之書訣所謂子字入脈子支尋莫教差錯丑與寅適符脈止之例者也是五老之氣勢磅礴脈絡條貫足以繫坤維而奠坎止其爲主峯宜矣至於大漢陽之孤標獨峙誠不減厥高然徘徊極頂蕭寥落莫旣乏迎陽之巒復無聚氣之壑層構無憑脈勢益散若謂高者爲主則崑崙不周當秩於五嶽孫吳曹魏亦可列入正統矣

(水系) 廬山之水東南流者入於鄱陽湖西北流者入於揚子江明王世懋曰大都茲山以泉勝而泉之勝以從峯頂四下與他山泉出山下者異也其水之名者曰玉淵曰三級泉曰青玉峽曰谷簾泉曰玉簾泉曰王家坡瀑布曰石門澗瀑布分詳下篇勝蹟

沿革

兩漢及晉山皆隸柴桑縣隋隸潯城縣唐隸潯陽縣五代楊吳時隸德化縣而以廬南爲星子鎮宋太平興國三年升星子鎮爲縣仍屬江州七年置南康軍領星子縣由是廬山區域乃分爲二郡所轄元明清三代無變更至民國十九年經江西省政府議決以九江星子二縣所屬各山地爲範圍爲廬山管理局注管理局設置沿革詳後之管轄區域然迄今其管轄區域尙未確爲劃定也

道路

登廬山大道有三自雲峯寺入者爲北道自含鄱口入者爲南道自淨慧寺入者爲東道道皆可輿諸他道及小徑山僧樵子所往來者多不可縷數皆鳥道

巉絕不得輿而東道南道又荒僻少人迹好奇之士間一至焉獨北道以天池寺故縉紳大夫登覽者率多由之明桑喬廬山紀事

匡頂大道有四自雲峯寺入者爲西道自含鄱口入者爲南道自淨慧入者爲東道自化城入者爲北道四者廬山之通衢從古所關桑紀何以西爲北而北之所不載將毋眇視爲小道乎且東道小過於此南西二道亦不廣過於此清

毛德琦重訂廬山志

以上所述爲明嘉靖清康熙時登山道路之紀載清光緒季年牯牛嶺開闢後其道路情形又有不同茲以牯牛嶺爲中心約述如下登山大道（一）爲九江縣治之汽車大道至蓮花洞再由蓮花洞循大路上山此路爲民國初年新修者是曰新路（二）爲石門澗登山大道亦名九十九盤由沙河經廣濟橋東南行經胡村王家壩錦澗橋南上錦繡谷越廬山高石坊直抵天池寺大道此卽

桑毛二氏所載自雲峯寺入之大道也（一）爲由東林寺南上經放牛塘打水
汊女人頭講經臺大林峯土壩嶺堡壘而至牯牛嶺街此卽毛志所載自化城
入之北道也（一）由圓通寺東行經白雲峯烏兒崖吊橋窪分南北二路均東
行可直達牯牛嶺（一）由山南棲賢寺西北上經黃照嶺息肩亭含鄱口以達
牯牛嶺此卽桑毛二氏所載入山之南道也（一）由姑塘經王家坡白沙河以
至小天池達牯牛嶺此卽桑毛二氏所載入山之東道也（一）由吳障嶺西行
至馬尾水九峯寺折西南行至王家坡以達牯牛嶺
其餘山僻樵徑有如桑子木所紀不可縷數矣總之山中之路處處可通特有
大道小徑種種分別耳

氣候

廬山氣候之佳秋爲最春暮次之冬初又次之夏季並不佳惟遊人避暑多以夏季來耳至冬雖覺冷然雪景奇麗足償寒冷之苦


一年中大約風雨霧雪陰晦之時佔四之一至三之一以上其風日晴明天高氣爽則有六至七個月之久茲據江西省立廬山林場所測驗十九二十兩年之氣象其晴陰雨雪之日期及平均日期表列如左

年份	晴	陰	雨	雪	大風
十九年	一九五、 <small>日</small>	五五、 <small>日</small>	九〇、 <small>日</small>	二五、 <small>日</small>	四一、 <small>日</small>
二十年	一八三、	八一、	八七、	一六、	九、
二年平均	一八八、 <small>半</small>	六八、 <small>半</small>	八八、 <small>半</small>	二〇、 <small>半</small>	二五、

近年氣候夏暑時熱度平均在八十度左右冬寒時冷度平均在二十度左右極熱有至百零度極寒有至零幾度者非常例也山上下寒熱相差爲十度至十五度春秋二季相差常不及十度

牯牛嶺冬季最寒處爲大林路東胡金芳旅館東下窰窪一帶因剪刀峽之風由此上也次則小天池因鄱陽湖風由此入也再次爲長衝山中峯嶺迴環曲折遮蔽視其當風處乃爲極寒不必向北乃寒也

廬山小乘 上篇



中篇 租借地 山政

牯牛嶺避暑地租借之史略

牯牛嶺避暑地租借之經過可分下列數類述之(一)長衝(二)四區之擴充(三)醫生凸(四)醫生窪(五)星洲(六)警察權收回

(一)長衝 廬山之牯牛嶺長衝高衝女兒城大小校場講經臺等處公地因前清德化縣舉人萬和賡等立契盜賣與英商李德立造屋地方紳耆查知控阻飭緩興造不聽以致地方人民折毀木篷等物經前清饒九道督飭縣委勸令退還一面拘盜賣之人訊辦旋接總理衙門來電英使催辦速結李德立欲留長衝一處並索償被毀損失飭縣督同紳士履勘長衝無關風水泉源樵

採由德化縣於光緒二十一年十一月十六日立約租與李德立建屋避暑
每年出租錢十二千文並由公家賠償英洋四千一百十五元牯牛嶺女兒
城大小校場高衝講經臺一概退還立碑永禁租賣在押之萬啓勳等從寬
釋放

(二)擴充之四區 (甲)草地坡 廬山草地坡與下衝猴子嶺大林寺衝共

計四區因英領事請永租與牯嶺公司蓋屋避暑經前清贛撫委員勘明飭由
九江道與英領事會議先租草地坡下衝兩區共地一百三十二號每號租洋
二百元歲租洋三元先交地租洋二萬六千四百元年納歲租三百九十六元
其猴子嶺大林寺衝兩區限至五年以內清租於前清光緒三十年八月訂立
租約條款共劃地七十九號計釘界二十一塊 (乙)下衝 廬山下衝自前

清光緒三十年彙同草地坡等地立約出租與牯嶺公司蓋屋避暑原始見前